

SIARAN AKHBAR

Bahagian Hal Ehwal Awam dan
Komunikasi Korporat Kumpulan
Lembaga Tabung Haji
Lantai 16, Bangunan Tabung Haji,
201, Jalan Tun Razak, 50732 Kuala Lumpur
Tel : 03 2054 2132
Faks : 03 2164 0436
Email : bkk@lth.gov.my

Tabung Haji Contact Centre
Tel : 03 6207 1919
Faks : 03 7728 4959

www.tabunghaji.gov.my

PELABURAN EKUITI LEMBAGA TABUNG HAJI KEKAL TEGUH

PENINGKATAN NILAI EKUITI DOMESTIK SEBANYAK RM1.12 BILION SEPANJANG TAHUN 2019

KUALA LUMPUR, 30 SEPTEMBER 2019 – Lembaga Tabung Haji (**TH**) terus mengambil peluang untuk melabur dalam pasaran ekuiti domestik bagi mengukuhkan portfolio pelaburannya dan tidak pernah melepaskan pegangan ekuiti berjumlah RM2.6 bilion atau secara drastik, sejak tiga bulan lalu.

Sepanjang tahun 2019, nilai ekuiti domestik **TH** telah meningkat sebanyak RM1.12 bilion daripada RM6.36 bilion, pada penghujung 2018, kepada RM7.48 bilion, setakat 27 September 2019.

Pelaburan **TH** tertumpu kepada syarikat-syarikat utama Bursa Malaysia yang mempunyai prestasi kewangan serta rekod dividen yang baik, menjana pendapatan stabil dan patuh syariah, termasuk Tenaga Nasional Berhad (TNB) yang merupakan di antara pegangan terbesar di dalam portfolio **TH**. Secara keseluruhannya pegangan **TH** dalam TNB telah bertambah sebanyak RM304 juta semenjak 18 bulan yang lalu.

Bagi tahun 2019, **TH** tidak memiliki mahupun melupuskan pegangan saham dalam syarikat-syarikat seperti FGV Holdings Berhad, Lion Industries Corporation Berhad, T7 Global Berhad, Shin Yang Shipping Corporation, Brahim's Holdings Berhad dan Cheetah Holdings Berhad seperti yang dilaporkan di media massa baru-baru ini.

Selain daripada ekuiti, **TH** kini giat dalam mencari peluang pelaburan dalam semua kelas aset seperti harta tanah dan instrumen kewangan berpendapatan tetap seperti sukuk.

TH sentiasa mengutamakan kepentingan para pendeposit dan melabur secara berhemah selaras dengan strategi alokasi aset yang mengutamakan pendapatan yang mampan buat jangka masa yang panjang dengan mengambil kira risiko yang bersesuaian. **TH** akan terus mengekalkan tahap tadbir urus yang tinggi dalam mentadbir dana yang dipertanggungjawabkan kepadanya.

-Tamat-

Lembaga Tabung Haji

Lembaga Tabung Haji (**TH**) adalah sebuah badan berkanun yang diperbadankan di bawah Akta Lembaga Tabung Haji 1995 (Akta 535). Aktiviti utama **TH** adalah dalam pengurusan haji, tabungan dan pelaburan. **TH** bertekad untuk menyediakan perkhidmatan haji yang cemerlang kepada jemaah Malaysia dan rekodnya yang konsisten ini telah mendapat pengiktirafan dunia sebagai model kepada pengurusan haji yang inovatif. **TH** mempunyai lebih daripada sembilan juta pendeposit dan 125 cawangan dengan hampir 10,000 touch points, di seluruh negara. Untuk maklumat lebih lanjut mengenai perkhidmatan Tabung Haji, sila lawati www.tabunghaji.gov.my atau hubungi Tabung Haji Contact Centre ditanian 03-6207 1919.

Untuk keterangan lanjut mengenai siaran akhbar ini, pihak media boleh hubungi:

Puan Anis Zuhani Ahmad Pengurus Besar Hal Ehwal Awam dan Komunikasi Korporat Kumpulan Menara TH Tun Razak 201 Jalan Tun Razak Kuala Lumpur Tel: +603 20542132 Fax: +603 21640436 Email: anisz@lth.gov.my	Encik Meor Khairi Meor Mohd Bazid Pemangku Ketua Pegawai Pelaburan Menara TH Tun Razak 201 Jalan Tun Razak Kuala Lumpur Tel: +603 20542121 Fax: +603 21616484 Email: meor.khairi@lth.gov.my
--	---